

«ԱՎԻԱԲՈՒԺ» ԲԿ ՓԲԸ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ ԵՎ

ԱՆԿԱԽ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

2022թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ



ԱՆԿԱՆ ԱՌԻԴՏՈՐԱԿԱՆ ԵԶՐԱԿԱՑՈՒԹՅՈՒՆ

«ԱՎԻԱԲՈՒՇ» ԲԿ ՓԲԸ բաժնետերերին

ԿԱՐԾԻՔ

Մեր կողմից իրականացվել է «ԱՎԻԱԲՈՒՇ» ԲԿ ՓԲԸ (Ընկերություն) ֆինանսական հաշվետվությունների աուդիտ, ընդ որում այդ հաշվետվությունները ներառում են 2022թ. դեկտեմբերի 31-ի դրությամբ ֆինանսական վիճակի մասին հաշվետվությունը, նույն ամսաթվին ավարտված տարվա համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, որոնք ներառում են հաշվապահական հաշվառման քաղաքականությունը:

Մեր կարծիքով կից ֆինանսական հաշվետվությունները տալիս են Ընկերության՝ 2022թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ):

ԿԱՐԾԻՔԻ ՀԻՄՔԵՐ

Մենք աուդիտն իրականացրել ենք աուդիտի միջազգային ստանդարտներին (ԱՄՍ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի Վարքագիրք) և Հայաստանի Հանրապետությունում կիրառելի ֆինանսական հաշվետվությունների աուդիտի նկատմամբ վարքագծի պահանջների, և մենք կատարել ենք վարքագծի նկատմամբ մեր մյուս պարտականությունները՝ այդ պահանջների համաձայն: Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

ՂԵԿԱՎԱՐՈՒԹՅԱՆ և ԿԱՌԱՎԱՐՄԱՆ ՕՂԱԿԵՐՈՒՄ ՆԵՐԳՐԱՎՎԱԾ ԱՆՁԱՆՑ ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ՀԱՄԱՐ

Ընկերության ղեկավարությունը պատասխանատու է ՖՀՄՍ-ներին համապատասխան ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք ազատ են խարդախության կամ սխալի արդյունքում էական խեղաթյուրումից:

Ֆինանսական հաշվետվությունները պատրաստելիս, ղեկավարությունը պատասխանատու է Ընկերության՝ անընդհատ գործելու հնարավորությունը գնահատելու, անընդհատ գործելուն առնչվող հարցերը բացահայտելու (եթե կիրառելի է), ինչպես նաև գործունեության անընդհատության



Ենթադրության վրա հիմնված հաշվառում վարելու համար, քանի դեռ ղեկավարությունը չի նախատեսում լուծարել Ընկերությունը կամ դադարեցնել դրա գործունեությունը կամ չունի իրատեսական այլընտրանք, բացի նշվածները:

Կառավարման օղակներում ներգրավված անձիք պատասխանատու են Ընկերության ֆինանսական հաշվետվությունների կազմման գործընթացը վերահսկելու համար:

ԱՌԻԴԻՏԻ ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ԱՌԻԴԻՏԻ ՀԱՄԱՐ

Մեր նպատակն է ձեռք բերել ողջամիտ հավաստիացում՝ խարդախությունների կամ սխալների հետևանքով ֆինանսական հաշվետվությունների էական խեղաթյուրումներից զերծ լինելու վերաբերյալ, ինչպես նաև ներկայացնել աուդիտորի եզրակացություն , որը կներառի մեր կարծիքը: Ողջամիտ հավաստիացումը բարձր աստիճանի հավաստիացում է, սակայն այն երաշխիք չի հանդիսանում, որ ԱՄՍ-ների համապատասխան իրականացված աուդիտը միշտ կհայտնաբերի էական խեղաթյուրումներ, երբ այդպիսիք կան: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե ակնկալվում է, որ դրանք առանձին-առանձին կամ միասին վերցված կարող են ազդել այս ֆինանսական հաշվետվությունների օգտագործողների՝ դրնաց հիման վրա կայացրած տնտեսական որոշումների վրա:

ԱՄՍ-ների համապատասխան իրականացվող աուդիտի շրջանակներում մենք կիրառում ենք մասնագիտական դատողություն և պահպանում ենք մասնագիտական կասկածամտություն ամբողջ աուդիտի ընթացքում: Բացի այդ, մենք.

- Բացահայտում և գնահատում ենք ֆինանսական հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված աուդիտորական ընթացակարգեր, և ձեռք ենք բերում բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:
Խարդախության արդյունք հանդիսցող էական խեղաթյուրման չբացահայտման ռիսկն ավելի մեծ է, քան սխալի հետևանքով առաջացած խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, փաստաթղթերի կեղծում, միտումնավոր բացթողումներ, կեղծ հայտարարությունների տրամադրում կամ ներքին վերահսկողության համակարգի չարաշահում:
- Պատկերացում ենք կազմում աուդիտին առնչվող ներքին վերահսկողության վերաբերյալ, որպեսզի մշակենք համապատասխան աուդիտորական ընթացակարգեր, բայց ոչ Ընկերության ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք կիրառվող հաշվապահական հաշվառման քաղաքականության պատշաճությունը, ինչպես նաև ղեկավարության կատարված հաշվապահական գնահատումների և համապատասխան բացահայտումների ողջամտությունը:
- Եզրահանգումներ ենք կատարում ղեկավարության կողմից անընդհատության սկզբունքի կիրառման տեղին լինելու վերաբերյալ և ձեռք բերված աուդիտորական ապացույցների հիման վրա հետևություն ենք անում, թե արդյոք առկա է իրադարձությունների կամ

հանգամանքների հետ կապված էական անորոշություն, որը կարող է էական կասկած առաջացնել Ընկերության անընդհատ գործելու հնարավորության վերաբերյալ: Եթե մենք գալիս ենք եզրահանգման, որ գոյություն ունի էական անորոշություն, մենք պետք է մեր աուդիտորական եզրակացությունում ուշադրություն հրավիրենք ֆինանսական հաշվետվություններում համապատասխան բացահայտումներին, կամ, եթե նման բացահայտումները պատշաճ կերպով ներկայացված չեն, մենք պետք է ձևափոխենք կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա իրադարձությունները կամ հանգամանքները կարող են հանգեցնել նրան, որ Ընկերությունը կորցնի իր անընդհատ գործելու կարողությունը:

- Գնահատում ենք ընդհանուր առմամբ ֆինանսական հաշվետվությունների ներկայացումը, կառուցվածքը և բովանդակությունը, ներառյալ բացահայտումները և արդյոք ֆինանսական հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:

Այլ հարցերի հետ մեկտեղ, մենք հաղորդակցում ենք կառավարման օղակներում ներգրավված անձանց հետ աուդիտի պլանավորված շրջանակների և ժամկետների, ինչպես նաև աուդիտի ընթացքում հայտնաբերված էական թերացումների վերաբերյալ, որոնք ներառում են աուդիտի ընթացքում մեր կողմից բացահայտված ներքին վերահսկողության կարևոր թերությունները:

Ք. Երևան- 08.06.2023թ.

ՊԻ ԿԱ ԷՖ ԱՈՒԴԻՏ ՍԵՐՎԻՍ ՍՊԸ

Գլխավոր տնօրեն՝

Գրո Դավթյան

Որակավորված աուդիտոր՝

Արփինե Խաչատրյան



ԲՈՎԱՆԴԱԿՈՒԹՅՈՒՆ

ԷԶ

ՖԻՆԱՆՍԱԿԱՆ ՎԻՃԱԿԻ ՄԱՍԻՆ ՀԱՇՎԵՏՎՈՒԹՅՈՒՆ

2

ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

3

ՍԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

4

ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

5

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ

6

ՖԻՆԱՆՍԱԿԱՆ ՎԻՃԱԿԻ ՄԱՍԻՆ ՀԱՇՎԵՏՎՈՒԹՅՈՒՆ

Հազար դրամ	Ծնթգ.	31.12.2022թ.	31.12.2021թ.
Ոչ ընթացիկ ակտիվներ			
Հիմնական միջոցներ	10	24325	32418
Ոչ նյութական ակտիվներ	11	82	128
Կանխավճարներ ոչ ընթացիկ ակտիվներ ձեռք բերելու համար		24407	32546
Ընդամենը ոչ ընթացիկ ակտիվներ			
Ընթացիկ ակտիվներ			
Պաշարներ	12	4038	4499
Առևտրային և այլ դեբիտորական պարտքեր	13	13711	7306
Այլ դեբիտորական պարտքեր		-	4902
Դրամական միջոցներ և դրանց համարժեքներ	14	10652	3360
Ընդամենը ընթացիկ ակտիվներ		28401	20067
Ընդամենը ակտիվներ		52808	52613
Սեփական կապիտալ և այլ պարտավորություններ			
Սեփական կապիտալ			
Կանոնադրական (բաժնեհավաք) կապիտալ	15	15281	15281
Զբաղիված շահույթ	16	717	(7194)
Սեփական կապիտալի այլ տարրեր		15998	8087
Ընդամենը սեփական կապիտալ			
Ոչ ընթացիկ պարտավորություններ			
Հետաձգված հարկային ակտիվներ		1877	1877
Ակտիվներին վերաբերող շնորհներ	17	17647	21923
Ընդամենը ոչ ընթացիկ պարտավորություններ		19524	23800
Ընթացիկ պարտավորություններ			
Վարկեր և փոխառություններ	18	2452	8511
Առևտրային և այլ կրեդիտորական պարտքեր	19	6294	6523
Կարճաժամկետ կրեդիտորական պարտքեր բյուջեին	20	4200	1912
Ընթացիկ պահուստներ	21	4264	3750
Այլ ընթացիկ պարտավորություններ		76	30
Ընդամենը ընթացիկ պարտավորություններ		17286	20726
Ընդամենը սեփական կապիտալ և պարտավորություններ		52808	52613

Սույն ֆինանսական հաշվետվությունները հաստատվել են 08.06.2023թ.

6-23 էջերում ներկայացված ֆինանսական հաշվետվություններին կից ծանոթագրությունները հանդիսանում են սույն ֆինանսական հաշվետվությունների անբաժանելի մասը:

«ԱՎԻԱԲՈՒԺ» ԲԿ ՓԲԸ
ՏՆՕՐԵՆ՝

Լ. ԱՐԱՋԱՐՅԱՆ

ԳԼԽԱՎՈՐ ՀԱՇՎԱՊԱՆ՝ Կ. ԹԱԴԵՎՈՍՅԱՆ



ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

Հազար դրամ	Ծնթգ.	2022թ.	2021թ.
Հասույթ	5	134598	95653
Իրացման ինքնարժեք	6	(93411)	(74358)
Համախառն շահույթ		41187	21295
Այլ եկամուտ	7	4275	1448
Իրացման ծախսեր		0	0
Վարչական ծախսեր	8	(31137)	(20972)
Գործառնական այլ ծախսեր	9	(4275)	(1448)
Գործառնական գործունեության արդյունքը		10050	323
Շահույթը մինչև շահութահարկով հարկումը		10050	323
Շահութահարկի գծով (ծախս)/եկամուտ		(2139)	(90)
Շարունակվող գործունեությունից շահույթ (վնաս)		7911	233



«ԱՎԻԱԲՈՒՎ» ԲԿ ՓԲԸ
ՏՆՕՐԵՆ

(Handwritten signature in blue ink)

Լ. ՂԱԶԱՐՅԱՆ

ԳԼԽԱՎՈՐ ՀԱՇՎԱՊԱՏ

(Handwritten signature in blue ink)

Կ. ԹԱԴԵՎՈՍՅԱՆ

ՍԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

Հազար դրամ	Կանոնադրական կապիտալ	Զբաղիված շահույթ	Ընդամենը
Մնացորդը առ 01 հունվարի 2021թ.	15281	(7427)	7854
Տարվա շահույթը (վնասը).	0	233	233
Այլ համապարփակ ֆինանսական արդյունք	0		
Նախորդ տարի. Ֆին. Արդ. ճշգրտում	0		
Մնացորդը առ 31.12.2021թ.	15281	(7194)	8087
Մնացորդը առ 01 հունվարի 2022թ.	15281	(7194)	8087
Տարվա շահույթը (վնասը)	0	7911	7911
Շահաբաժիններ	0		
Նախորդ տարի. Ֆին. Արդ. ճշգրտում	0		
Մնացորդը առ 31.12.2022թ.	15281	717	15998

«ԱՎԻԱԲՈՒՎ» ԲԿ ՓԲԸ
 ՏՆՕՐԵՆ՝



[Handwritten signature]
 Լ. ԴԱԶԱՐՅԱՆ

[Handwritten signature]
 Կ. ԹԱԴԵՎՈՍՅԱՆ

ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

Հազար դրամ	2022թ.	2021թ.
Դրամական միջոցների հոսքեր գործառնական գործունեությունից		
Գործառնական գործունեությունից դրամական միջոցների ներհոսքեր	132087	100964
Աշխատակիցներին վճարված դրամական միջոցներ	(68220)	(56929)
Մատակարարներին վճարված դրամական միջոցներ	(10302)	(7108)
Վճարումներ ծառայությունների դիմաց	(23820)	(16528)
Վճարումներ պետական բյուջե	(22453)	(21260)
Գործառնական գործունեությունից ստացված/(օգտագործված) զուտ դրամական միջոցների հոսքեր	7292	-861
Դրամական միջոցների և դրանց համարժեքների զուտ (նվազում)/աճ	7292	-861
Դրամական միջոցները և դրանց համարժեքները առ 1 հունվարի	3360	4221
Արտարժույթի փոխարժեքի փոփոխման ազդեցությունը դրամական միջոցների և դրանց համարժեքների վրա		
Դրամական միջոցները և դրանց համարժեքները առ դեկտեմբերի	10652	3360



«ԱՎԻԱՐՈՒԺ» ԲԿ ՓԲԸ
ՏՆՕՐԵՆ

ԳԼԽԱՎՈՐ ՀԱՇՎԱՊԱՀ

[Handwritten signature]

Լ. ԴԱԶԱՐՅԱՆ

Կ. ԹԱԴԵՎՈՍՅԱՆ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹՈՒԹՅՈՒՆՆԵՐ

1. ՆԵՐԱԾՈՒԹՅՈՒՆ

1.1. ԸՆԿԵՐՈՒԹՅԱՆ ՆԿԱՐԱԳԻՐԸ

«ԱՎԻԱԲՈՒՎ» ԲԿ ՓԲԸ (այսուհետ՝ Ընկերություն) համարվում է շահույթ ստանալու նպատակով հիմնադրված կազմակերպություն հանդիսացող իրավաբանական անձ, որի կանոնադրական կապիտալը բաժանված է Ընկերության նկատմամբ բաժնետերերի պարտավորական իրավունքը հավաստիացնող որոշակի թվով բաժնետոմսերի:

Ընկերությունը ստեղծվել է ՀՀ կառավարության 16.12.2000թ. թիվ 828 որոշման և Հիմնադիրի 09.01.2001թ. թիվ 3 հրամանի համաձայն «Զվարթնոց» ՄՕ փակ բաժնետիրական ընկերությունից առանձնացման ճանապարհով (գր. համար 271.140.00092, վկ. 01Ա 002483:)

Ընկերությունն իր գործունեության ընթացքում ղեկավարվում է ՀՀ Սահմանադրությամբ, ՀՀ օրենսդրությամբ, ՀՀ քաղաքացիական օրենսգրքով, «Բաժնետիրական ընկերությունների մասին» ՀՀ օրենքով, «Արժեթղթերի շուկայի մասին» ՀՀ օրենքով, այլ իրավական ակտերով և իր կանոնադրության հիման վրա:

Ընկերության իրավաբանական հասցեն է՝ ՀՀ, ք. Երևան, Զվարթնոց օդանավակայան:

2022թ. դեկտեմբերի 31-ի դրությամբ Ընկերության աշխատողների թիվը կազմել է 69 մարդ, 2021թ. դեկտեմբերի 31-ի դրությամբ՝ 71 մարդ:

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

2.1. Ընկերության ստեղծման նպատակն է տնտեսական գործունեություն (այդ թվում՝ բժշկական սպասարկում, հիգիենիկ-համաճարակային ծառայություններ) իրականացնելու ճանապարհով շահույթի ստացումը:

2.2. Ընկերության կողմից իրականացվող ձեռնարկատիրական գործունեության հիմնական տեսակներն են.

1. օդաչուական և դիսպետչերական անձնակազմի, բորտուղեկցորդների և ավիացոն այլ մասնագետների բժշկական փորձաքննություն,
2. թռիչքների բժշկա-սանիտարական անվտանգության կազմակերպում և ապահովում,
3. ամբուլատոր և ստացիոնար բժշկական գործունեություն,
4. մասնագիտական հիվանդությունների վաղ հայտնաբերում և կանխարգելում,
5. հիգիենիկ հակահամաճարակային միջոցառումների իրականացում,
6. դեռատիզացիոն, դեզինֆեկցիոն և դեզինսեկցիոն միջոցառումների իրականացում,
7. ավիացիոն բժշկության մասնագետների պատրաստում և վեապատրաստում,
8. դեղամիջոցների, բժշկական գործիքների և սարքավորումների, խառը ապրանքների առք ու վաճառք իրականացնելու ճանապարհով շահույթի ստացում:

2.3. Իր առջև դրված նպատակներն իրականացնելու համար Ընկերությունը զբաղվում է տնտեսական գործունեության հետևյալ հիմնական տեսակներով.

- Բարձրակարգ բժշկական օգնության կազմակերպում քաղաքացիական ավիացիայի կոմիտեի աշխատողներին, նրանց ընտանիքների անդամներին, օդանավերի ուղևորներին, Հայաստանի Հանրապետության բնակչությանը և այլ պետությունների քաղաքացիներին,

- ՀՀ քաղաքացիայի թոհյքների անվտանգության բժշկական ապահովման կազմակերպում, այդ թվում՝ այլ գերատեսչությունների և պետությունների, ինչպես նաև կանոնադրական նպատակների համար տնտեսական գործունեության այլ ձևերի կատարում,
- կազմակերպում և անցկացնում է օդաչուական ու դիսպետչերական անձնակազմի, բորտուղեկցորդների, մյուս ավիաանձնակազմերի, թոհյքա-տեխնիկական ուսումնարանների սովորողների բժշկական քննություն, բարձրացնում է բժշկական քննության որակը և կատարելագործում է նրա կազմակերպական ձևերը,
- կազմակերպում է նախաթոհյքային, նախահերթափոխային /հետթոհյքային և հետհերթափոխային՝ ըստ ցուցումի/ բժշկական հսկողություն,
- կազմակերպում և ապահովում է օդաչուական և դիսպետչերական անձնակազմի, բորտուղեկցորդների ուսուցում առաջին անհետաձգելի բժշկական օգնություն օդանավերի սրահներում,

Ընկերության գործունեությունը համարվում է լիցենզավորվող գործունեություն, որի համար Ընկերությունը առողջապահության նախարարությունից ստացել է հետևյալ լիցենզիաները՝

- ԼԻՑԵՆԶԻԱ Կ-XX-000492 տրված 15.12.2003թ. անժամկետ, բժշկական օգնության սպասարկման ձևը՝ արտահիվանդանոցային:

3. ՊԱՏՐԱՍՏՄԱՆ ՀԻՄՈՒՆՔՆԵՐ

(ա) Համապատասխանության մասին հայտարարություն

Սույն ֆինանսական հաշվետվությունները պատրաստվել են համաձայն Ֆինանսական հաշվետվությունների միջազգային ստանդարտների (ՖՀՄՍ) պահանջների:

(բ) Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով, բացառությամբ որոշ ֆինանսական գործիքների, որոնք ներկայացված են իրական արժեքով:

(գ) Ֆունկցիոնալ արժույթ

Հայաստանի Հանրապետության ազգային արժույթը ՀՀ դրամն է (դրամ), որը հանդիսանում է Ընկերության ֆունկցիոնալ արժույթը և սույն ֆինանսական հաշվետվությունների ներկայացման արժույթը: Ֆինանսական ամբողջ տեղեկատվությունը ներկայացված է դրամով՝ հազարների ճշտությամբ:

(դ) Անընդհատություն

Ընկերությունն իր ֆինանսական հաշվետվությունները պատրաստել է անընդհատության հիմունքով:

4. ԳՆԱՀԱՏՈՒՄՆԵՐԻ և ԴԱՏՈՂՈՒԹՅՈՒՆՆԵՐԻ ՕԳՏԱԳՈՐԾՈՒՄ

Այս ֆինանսական հաշվետվությունները ՖՀՄՍ-ի պահանջներին համապատասխան պատրաստելու համար ղեկավարությունը կատարել է մի շարք դատողություններ, գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման, ինչպես նաև ակտիվների, պարտավորությունների, եկամտի և ծախսի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումներն ու համապատասխան ենթադրությունները շարունակաբար վերանայվում են: Հաշվապահական գնահատումների վերանայումները ճանաչվում են այն ժամանակաշրջանում որում վերանայվել են և այն ապագա ժամանակաշրջաններում, որոնց վրա կարող են ազդեցություն ունենալ:

5. ՀԱՇՎԱՊԱՀԱԿԱՆ ՀԱՇՎԱՌՄԱՆ ՔԱՂԱՔԱԿԱՆՈՒԹՅՈՒՆ

Ընկերության հաշվապահական հաշվառման քաղաքականությունը կիրառվել է հետևողականորեն սույն ֆինանսական հաշվետվություններում ներկայացված բոլոր ժամանակաշրջանների նկատմամբ:

4.1. Հիմնական միջոցներ

Հիմնական միջոցների միավորը, որը կարող է ճանաչվել որպես ակտիվ, չափվում է իր սկզբնական արժեքով: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, հաշվառվում են որպես հիմնական միջոցի առանձին միավորներ:

Սկզբնական արժեքի մոդել

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ուղղակիորեն վերագրելի ծախսումները, տեղանքի նախապատրաստման, տեղակայման ծախսումները, մասնագիտական վճարները:

Հետագա ծախսումներ

Հիմնական միջոցի՝ որպես առանձին ակտիվ հաշվառվող միավորի բաղկացուցիչի փոխարինման ծախսումներ, կապիտալացվում են դուրս գրված բաղկացուցիչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացվում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են ֆինանսական արդյունքների մասին հաշվետվությունում դրանց տեղի ունենալու ժամանակ:

Մաշվածություն

Յուրաքանչյուր ժամանակաշրջանի մաշվածության գումարը ճանաչվում է շահույթում կամ վնասում բացառությամբ, եթե այն ներառվել է մեկ այլ ակտիվի հաշվեկշռային արդյունքում: Մաշվածության հաշվարկը սկսվում է այն պահից, երբ ակտիվը դառնում է մատչելի իր նպատակային նշանակությամբ օգտագործելու համար: Մաշվածությունը ճանաչվում է ֆինանսական արդյունքների մասին հաշվետվությունում՝ կիրառելով գծային մեթոդը, հիմնական միջոցի օգտակար ծառայության ժամկետի ընթացքում:

Ստորև ներկայացվում է հիմնական միջոցների գնահատված օգտակար ծառայության ժամկետները՝

Դասի անվանումը	Օգտակար ծառայությունը
Մեքենա-սարքավորումներ	60 ամիս
Տրանսպորտային միջոցներ	60 ամիս
Արտադրատնտեսական գույք, գործիքներ	60 ամիս
Համակարգչային տխնիկա	12 ամիս

Մաշվածության հաշվարկի մեթոդները, օգտակար ծառայության ժամկետները և մնացորդային արժեքները վերանայվում են յուրաքանչյուր ֆինանսական տարվա վերջում և անհրաժեշտության դեպքում ճշգրտվում:

4.2. Անավարտ ոչ ընթացիկ նյութական ակտիվներ

Սեփական ուժերով կառուցվող անավարտ հիմնական միջոցները հաշվառվում են դրանց վրա կատարված ծախսումների հանրագումարով: Անավարտ հիմնական միջոցներին ծախսումների վերագրումը կատարվում է ՀՀՄՍ 2 «Պաշարներ» ստանդարտում վաճառքի համար արտադրվող (պատրաստվող) ակտիվների համար բերված մոտեցումներին համապատասխան:

Կապալառուի կողմից կառուցվող հիմնական միջոցները հաշվառվում են կապալառուից ընդունված (Ընկերության կողմից հատուցման ենթակա) աշխատանքների արժեքի հանրագումարով:

Այն դեպքում, երբ հիմնական միջոցները կառուցվում են միաժամանակ և՛ սեփական ուժերով, և կապալառուի կողմից, դրանց վերագրվող ծախսումները որոշվում են վերը նշված ծախսումների հանրագումարով:

Արդեն ճանաչված հիմնական միջոցների վրա կատարված հետագա ծախսումներն ավելացվում են ակտիվի հաշվեկշռային արժեքին, երբ հավանական է, որ դրանց շնորհիվ ապագա տնտեսական օգուտներն ավելի շատ, քան ակնավում էր առկա ակտիվի նորմատիվային ցուցանիշների սկզբնական գնահատումից դեպի հիվանդանոց: Մյուս բոլոր դեպքերում հետագա ծախսումները ճանաչվում են որպես հաշվետու ժամանակաշրջանի ծախս:

Տեղակայման ենթակա սարքավորումների ձեռքբերումը հաշվառվում է այնպես, ինչպես հիմնական միջոցների ձեռքբերումը:

4.3. Ոչ նյութական ակտիվներ

4.3.1. Ոչ նյութական ակտիվները ֆիզիկական սուբստանցիայից զուրկ որոշելի (իդենտիֆիկացվող) ոչ դրամային ակտիվներ են, որոնք, որպես կատարված գործառնությունների (դեպքերի) արդյունք՝

ա) վերահսկվում են Ընկերության կողմից,

բ) պահվում են Ընկերությունում՝

- ծառայություններ մատուցելու,
- այլ անձանց վարձակալության տալու, կամ՝
- վարչական նպատակներով օգտագործելու համար,

գ) ունեն սահմանափակ օգտակար ծառայության ժամկետ,

դ) ներառվում են ՀՀՀՀՍ 38 «Ոչ նյութական ակտիվներ» ստանդարտի գործողության ոլորտում:

4.3.2. Ոչ նյութական ակտիվի ամորտիզացիան ոչ նյութական ակտիվի ամորտիզացվող գումարի պարբերական բաշխումը նրա օգտակար ծառայության ընթացքում:

Ամորտիզացվող գումարն ակտիվի սկզբնական արժեքի կամ ֆինանսական հաշվետվություններում դրան փոխարինող այլ գումարի և մնացորդային արժեքի տարբերությունը:

Օգտակար ծառայություն՝

ա) այն ժամանակահատվածը, որի ընթացքում Ընկերությունն ակնկալում է օգտագործել ակտիվը, կամ՝

բ) արտադրանքի այն քանակը կամ աշխատանքների, ծառայությունների այն ծավալը, որն ակնկալվում է ստանալ (կատարել, մատուցել) ակտիվի օգտագործման միջոցով:

4.3.3. Ոչ նյութական ակտիվը պետք է ճանաչվի այն և միայն այն դեպքում, երբ՝

ա) հավանական է, որ ակտիվին վերագրելի ապագա տնտեսական օգուտները կհոսեն կազմակերպություն, և՛

բ) ակտիվի արժեքը կարող է արժանահավատորեն չափվել:

Ընկերությունը պետք է գնահատի ապագա տնտեսական օգուտների հավանականությունը՝ կիրառելով խելամիտ և հիմնավորված ենթադրություններ, որոնք արտացոլում են ղեկավարության՝ այն տնտեսական պայմանների բազմության լավագույն գնահատականը, որոնք առկա կլինեն ակտիվի օգտակար ծառայության ընթացքում:

4.3.4. Ոչ նյութական ակտիվն սկզբնապես պետք է չափվի սկզբնական արժեքով (ինքնարժեքով):

4.3.5. Սկզբնական ճանաչումից հետո ոչ նյութական ակտիվը պետք է հաշվառվի իր սկզբնական արժեքով (հաշվի առած հետագա ավելացվող ծախսումները)՝ հանած ցանկացած կուտակված ամորտիզացիա և ցանկացած կուտակված արժեզրկումից կորուստ:

4.3.6. Ոչ նյութական ակտիվի ամորտիզացվող գումարը պետք է պարբերաբար բաշխվի նրա՝ լավագույն գնահատականի հիման վրա որոշված օգտակար ծառայության ընթացքում: Սովորաբար ոչ նյութական ակտիվի օգտակար ծառայության ժամկետը չի գերազանցում քսան տարին՝ սկսած այն ամսաթվից, երբ ակտիվը մատչելի է օգտագործման համար: Ամորտիզացիան պետք է հաշվարկվի այն պահից, երբ ակտիվը մատչելի է օգտագործման համար:

4.3.7. Ոչ նյութական ակտիվների օգտակար ծառայությունը հետևյալն է.

Դասի անվանումը	Օգտակար ծառայությունը
Համակարգչային ծրագրեր	120 ամիս

բայց ոչ ավելի ոչ նյութական ակտիվի իրավաբանորեն ամրագրված օգտագործման ժամանակահատվածից:

4.3.8. Ամորտիզացիայի հաշվարկման կիրառվող մեթոդը պետք է արտացոլի այն մոդելը, որով Ընկերությունը սպառում է ակտիվի տնտեսական օգուտները: Ընկերությունը կիրառում է գծային մեթոդը:

4.4. Պաշարներ

4.4.1 Բուժսպասարկման ծառայությունների մատուցման ինքնարժեքը կազմված է անմիջականորեն ծառայություն մատուցելու գործում զբաղված անձնակազմի վարձատրության ծախսումներից,

օգտագործվող դեղամիջոցների ծախսումներից, ինչպես նաև ծառայություն մատուցելու հետ կապված համապատասխան արտադրական վերադիր (փոփոխուն և հաստատուն) ծախսումներից:

Իրացման և վարչական վերադիր ծախսումները ծառայությունների ինքնարժեքի մեջ չեն ներառվում, այլ ճանաչվում են որպես ծախս այն հաշվետու ժամանակաշրջանում, երբ դրանք կատարվել են:

Հաստատուն արտադրական վերադիր ծախսումները ծառայության մատուցման հետ կապված այնպիսի անուղղակի ծախսումներն են, որոնք համեմատաբար կայուն են, անկախ ծառայության ծավալից, օրինակ՝ բուժսպասարկման նպատակով օգտագործվող արտադրական շենքերի և սարքավորումների մաշվածությունը, դրանց շահագործման և պահպանման ծախսումները:

Փոփոխուն արտադրական վերադիր ծախսումները ծառայության մատուցման հետ կապված այնպիսի անուղղակի ծախսումներն են, որոնք ուղղակիորեն կամ համարյա ուղղակիորեն փոփոխվում են՝ ծառայության ծավալին համամասնորեն, օրինակ՝ բուժսպասարկմանն առնչվող տեխնիկական անձնակազմի աշխատանքի վարձատրությունը:

4.4.2. Փոխադարձ փոխարինելի հանդիսացող պաշարների ինքնարժեքը որոշվում է «Առաջինը մուտք՝ առաջինը ելք» ԱՄԱԵ (ՖԻՖՈ) բանաձևով:

4.4.3. Պաշարների ինքնարժեքն իջեցվում է մինչև իրացման զուտ արժեքի մակարդակ՝ ըստ տեսակների հաշվեկշռի ամսաթվի դրությամբ: Ծառայություններ մատուցելու նպատակով պահվող նյութերը և այլ պաշարները չեն վերագնահատվում ինքնարժեքից ցածր, եթե ակնկալվում է, որ ծառայությունը, որի մատուցման համար դրանք օգտագործվելու են, վաճառվելու է ինքնարժեքին հավասար կամ գերազանցող գներով:

Պաշարների ինքնարժեքի՝ մինչև իրացման զուտ արժեք ցանկացած դուրսգրում ճանաչվում է ծախս այն հաշվետու ժամանակաշրջանում, երբ կատարվել է ինքնարժեքի իջեցումը: Պաշարների նախկինում դուրս գրված գումարի ցանկացած վերականգնում, որն առաջանում է իրացման զուտ արժեքի բարձրացումից, ճանաչվում է որպես եկամուտ այն հաշվետու ժամանակաշրջանում, երբ կատարվում է բարձրացումը:

4.4.4. Ժամկետանց դեղամիջոցների գծով ճանաչվում է արժեքի նվազում հաշվեկշռային արժեքի չափով:

4.5. Առևտրային և այլ դեբիտորական պարտքեր

Ընթացիկ դեբիտորական պարտքերը ճանաչվում են իրական արժեքով: Հետագայում դրանք հաշվառվում են ամորտիզացված արժեքով՝ հանած արժեզրկման պահուստը: Եթե առկա են օբյեկտիվ ապացույցներ, որ տեղի է ունեցել դեբիտորական պարտքերի արժեզրկում, ապա ակտիվի հաշվեկշռային արժեքը նվազեցվում է ուղղակիորեն կամ պահուստավորման միջոցով:

Դեբիտորական պարտքը ճանաչվում է հաշվեկշռում այն և միայն այն դեպքում, երբ Ընկերությունը դառնում է գործիքի պայմանագրային կողմ, այսինքն՝ երբ առաջանում է պահանջի իրավունքը:

4.6. Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են կանխիկ և անկանխիկ դրամական միջոցները, բանկերում պահվող ցպահանջ ավանդները:

Ընկերությունը դրամարկղային գործառնություններն իրականացնում է հիմք ընդունելով Հայաստանի Հանրապետության հարկային օրենսգրքի 385-րդ հոդվածի 2-րդ մասի և 387-րդ հոդվածի 1-ին մասի 2-րդ կետի և նշված հոդվածների հիման վրա 2017 թվականի հոկտեմբերի 5-ին ՀՀ կառավարության կողմից հաստատված N 1260-Ն որոշման պահանջները:

4.7. Վարկեր և փոխառություններ

Վարկերը և փոխառությունները սկզբնապես ճանաչվում են իրական արժեքով՝ առանց գործարքային ծախսերի: Սկզբնական ճանաչումից հետո վարկերը և փոխառությունները չափվում են ամորտիզացված արժեքով, իսկ այդ արժեքի և մարման արժեքի միջև տարբերությունը փոխառության ժամկետի ընթացքում ճանաչվում է համապարփակ ֆինանսական արդյունքների մասին հաշվետվությունում:

4.8. Շնորհներ

Ակտիվներին վերաբերող շնորհների հիմնական պայմանն այն է, որ դրանց՝ ստացման իրավունք ունեցող կազմակերպությունը պետք է գնի, կառուցի կամ որևէ այլ կերպ ձեռք բերի երկարաժամկետ ակտիվներ:

Ակտիվներին վերաբերող շնորհները, ներառյալ իրական արժեքով հաշվառվող ոչ դրամային շնորհները, ֆինանսական վիճակի մասին հաշվետվությունում ներկայացվում են որպես նվազեցում ակտիվի հաշվեկշռային արժեքը որոշելիս: Այսինքն շնորհը նվազեցվում է ակտիվի հաշվեկշռային արժեքը հաշվարկելիս և արտացոլվում է շահույթում կամ վնասում մաշվող (ամորտիզացվող) ակտիվի օգտակար ծառայության ընթացքում՝ նվազեցված մաշվածության ծախսի ձևով:

Ակտիվին վերաբերող շնորհների վերադարձումն արտացոլվում է հետաձգված եկամուտների կրճատման միջոցով՝ վերադարձման գումարի չափով: Երբ հետաձգված եկամտի մեծությունը չի բավարարում շնորհի վերադարձումը, չբավարարող մասի չափով այն ճանաչվում է որպես ծախս:

Եկամուտներին վերաբերող շնորհներն այն շնորհներն են, որոնք չեն վերաբերում ակտիվներին, ներառյալ ոչ դրամային շնորհները, ճանաչվում և չափվում են իրենց իրական արժեքով այն դեպքերում, երբ կա հիմնավորված երաշխիք, որ՝

ա) Ընկերությունը կատարելու է դրան կից պայմանները, և

բ) շնորհներն ստացվելու են:

Եկամուտներին վերաբերող շնորհների վերադարձումն առաջին հերթին կատարվում է տվյալ շնորհի հետ կապված չմարված հետաձգված (դեռևս եկամուտ չճանաչված) կրեդիտային մնացորդի հաշվին: Այնքանով, որքանով վերադարձման ենթակա գումարը գերազանցում է այդպիսի հետաձգված կրեդիտային մնացորդը, կամ եթե հետաձգված կրեդիտային մնացորդ չկա, ապա վերադարձումն անմիջապես ճանաչվում է որպես ծախս:

4.9. Դեբիտորական և կրեդիտորական պարտքերի հաշվանցումը

Դեբիտորական և կրեդիտորական պարտքերը հաշվանցվում են այն դեպքերում, երբ Ընկերությունը՝

ա) ունի ճանաչված գումարները հաշվանցելու իրավաբանորեն ամրագրված իրավունք, և՛

բ) մտադիր է՝ կա՛մ հաշվարկն իրականացնել (ակտիվը կամ պարտավորությունը մարել) զուտ հիմունքով, կա՛մ իրացնել ակտիվը և մարել պարտավորությունը միաժամանակ:

4.10. Աշխատակիցների կարճաժամկետ հատուցումներ

Աշխատակիցների կարճաժամկետ հատուցումների գծով պարտականությունները չափվում են առանց զեղչման և ծախսագրվում են համապատասխան ծառայությունը մատուցելուց հետո: Պարտավորությունը ճանաչվում է այն գումարի չափով, որն ակնկալվում է վճարել որպես կարճաժամկետ դրամական միջոցների տեսքով պարգևավճար, եթե Ընկերությունն ունի ներկա իրավական կամ կառուցողական պարտականություն այդ գումարը վճարել որպես անցյալ ծառայության արդյունք կամ կարող է արժանահավատորեն գնահատել պարտավորությունը:

4.11. Պահուստներ

Պահուստը ճանաչվում է, երբ Ընկերությունը որպես անցյալ դեպքերի արդյունք, ունի ընթացիկ իրավական կամ կառուցողական պարտավորություն, որը հնարավոր է արժանահավատորեն գնահատել և հավանական է, որ այդ պարտավորությունը մարելու նպատակով կպահանջվի տնտեսական օգուտների արտահոսք: Պահուստները որոշվում են ակնկալվող դրամական միջոցների ապագա հոսքերը զեղչելով հարկումից առաջ այն դրույքով, որն արտացոլում է տվյալ շուկայում դրամի ժամանակին արժեքը և այդ պարտավորությանը հատուկ ռիսկերը: Զեղչի վերականգնումը ճանաչվում է որպես ֆինանսական ծախս:

4.12. Հասույթ

Հասույթն իրենից ներկայացնում է հաշվետու տարվա ընթացքում Ընկերության կողմից մատուցված ծառայությունների և կատարած աշխատանքների հատուցման իրական արժեքը: Ընկերության կողմից մատուցված ծառայությունների իրացումից հասույթը ճանաչվում է՝

ա) բուժսպասարկման ծառայությունների գծով՝ հաշվի առնելով նաև յուրաքանչյուր ամսում կատարվելիք ճշգրտումները (մասնավորապես՝ պետական պատվերի գծով ճշգրտումները):

բ) այլ ծառայությունների գծով՝ դրանց մատուցմանը զուգընթաց՝ յուրաքանչյուր ամսվա կտրվածքով:

4.13. Արտարժույթով գործարքներ

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական Բանկի (<< ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները պետք է վերահաշվարկվեն՝ կիրառելով այդ ամսաթվի դրությամբ << ԿԲ կողմից հրապարակված փոխարժեքը: Արտարժույթային գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են համապարփակ ֆինանսական արդյունքների մասին հաշվետվությունում որպես այլ ոչ գործառնական եկամուտ կամ ծախս:

Փոխարժեքային տարբերությունները, որոնք առաջանում են դրամային հոդվածների մարման արդյունքում կամ, երբ հիվանդանոցը դրամային հոդվածները հաշվետվության մեջ ներկայացվում են մի փոխարժեքով, որը տարբերվում է տվյալ հաշվետու ժամանակաշրջանում դրանց սկզբնական գրանցման կամ նախորդ ֆինանսական հաշվետվություններում գրանցման փոխարժեքից, ճանաչվում են որպես եկամուտ կամ ծախս այն ժամանակաշրջանում, որում դրանք առաջացել են:

Համաձայն ՀՀ Հարկային Օրենսգրքի 108 հոդվածի 7-րդ կետի Շահութահարկով հարկման բազայի որոշման նպատակով Ընկերության համար եկամուտ չի համարվում՝ ակտիվների, այդ թվում՝ արտարժույթի, արտարժույթով արտահայտված այլ ակտիվների, ինչպես նաև բանկային ոսկով և այլ թանկարժեք մետաղներով արտահայտված ակտիվների վերագնահատման դրական արդյունքը:

Համաձայն ՀՀ Հարկային Օրենսգրքի 112 հոդվածի 7-րդ կետի Շահութահարկով հարկման բազայի որոշման նպատակով Ընկերության համար ծախս չի համարվում՝ ակտիվների, այդ թվում՝ արտարժույթի, արտարժույթով արտահայտված այլ ակտիվների, ինչպես նաև բանկային ոսկով և այլ թանկարժեք մետաղներով արտահայտված ակտիվների վերագնահատման բացասական արդյունքը:

4.14. Շահութահարկ

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված շահութահարկը հաշվարկվում է ֆինանսական վիճակի մասին հաշվետվության պարտավորությունների մեթոդի համաձայն, որը հաշվի է առնում ֆինանսական հաշվետվությունների համար ակտիվների և պարտավորությունների հաշվեկշիռային գումարների և հարկային նպատակներով կիրառվող գումարների տարբերությամբ:

Հետաձգված հարկային ակտիվ ճանաչվում է միայն այն չափով, որքանով հավանական է, որ ապագայում առկա կլինի հարկման ենթակա շահույթ, որի դիմաց կարող են իրացվել չօգտագործված հարկային վնասները և փոխհատուցումները:

4.15. Կառուցման պամանագրեր

Երբ կառուցման պամանագրի կատարման արդյունքները հնարավոր է արժանահավատորեն գնահատել, հասույթը և ծախսումները ճանաչվում են հաշվի առնելով ֆինանսական վիճակի մասին հաշվետվության ամսաթվի դրությամբ պայմանագրային աշխատանքների կատարման աստիճանը, որը չափվում է պայմանագրային աշխատանքների կատարման ֆիզիկական համամասնությանը համապատասխան:

Երբ կառուցման պամանագրի կատարման արդյունքները հնարավոր չէ արժանահավատորեն գնահատել, պայմանագրի հասույթը ճանաչվում է պայմանագրի փաստացի ծախսումների չափով, որոնք հավանական է, որ կփոխհատուցվեն:

4.16. Ֆինանսական ծախսեր

Ֆինանսական ծախսերը ներառում են վարկի և փոխառությունների գծով տոկոսային ծախսերը: Տոկոսավճարները և փոխառությունների հետ կապված այլ ծախսերը ծախսագրվում են կատարմանը զուգահեռ՝ որպես ֆինանսական ծախսերի մի մաս, բացի որակավորվող ակտիվի ձեռքբերմանը, կառուցմանը կամ արտադրությանն ուղղակիորեն վերաբերող փոխառությունների ծախսերից, որոնք կապիտալացվում են՝ որպես այդ ակտիվի մի մաս:

4.17. Վարձակալություն

4.17.1 Ֆինանսական վարձակալություն

Որպես վարձակալ Ընկերությունը հաշվապահական հաշվեկշռում ֆինանսական վարձակալությունը ճանաչում է որպես ակտիվ և պարտավորություն այն գումարով, որը վարձակալության սկզբում հավասար է վարձակալված գույքի իրական արժեքին կամ վարձակալական նվազագույն վճարների:

Ֆինանսական վարձակալությունն առաջացնում է մաշվածության ծախսումներ՝ մաշվող (ամորտիզացվող) ակտիվների գծով, ինչպես նաև ֆինանսական ծախսեր՝ յուրաքանչյուր հաշվետու ժամանակաշրջանի համար: Վարձակալված մաշվող (ամորտիզացվող) ակտիվների մաշվածության հաշվարկման քաղաքականությունը համապատասխանում է սեփական ակտիվների մաշվածության հաշվարկման քաղաքականությանը, իսկ մաշվածության (ամորտիզացիայի) հաշվարկը կատարվում է համաձայն ՀՀՄՍ 16 «Հիմնական միջոցներ» և ՀՀՄՍ 38 «Ոչ նյութական ակտիվներ» ստանդարտների: Եթե չկա բավարար համոզվածություն, որ Ընկերությունը վարձակալության ժամկետի վերջում ձեռք է բերելու սեփականության իրավունքը, ապա ակտիվն ամբողջովին ամորտիզացվում է հետևյալ երկու ժամկետներից առավել կարճի ընթացքում՝ վարձակալության ժամկետի կամ օգտակար ծառայության ժամկետի:

4.17.2 Գործառնական վարձակալություն

Գործառնական վարձակալությունը ֆինանսական վարձակալություն չհանդիսացող վարձակալություն է, այսինքն՝ այնպիսի վարձակալություն է, որի դեպքում վարձակալին չեն փոխանցվում վարձակալված ակտիվի սեփականության հետ կապված գրեթե բոլոր ռիսկերն ու օգուտները:

Գործառնական վարձակալության տրված ակտիվները ճանաչվում են վարձատուի հաշվեկշռում:

Որպես վարձակալ, գործառնական վարձակալության գծով վարձավճարները վարձակալության ժամկետի ընթացքում ճանաչվում են որպես ծախսում՝ գծային հիմունքով, եթե մեկ այլ սիստեմատիկ հիմունք ավելի լավ չի ներկայացնում ակտիվի օգտագործումից օգուտների ստացման ժամանակային գրաֆիկը:

Որպես վարձատու, վարձակալական եկամուտը (բացառությամբ մատուցված ծառայությունների գծով եկամուտներից) վարձակալության ժամկետի ընթացքում ճանաչվում է գծային հիմունքով, եթե մեկ այլ սիստեմատիկ հիմունք ավելի լավ չի ներկայացնում վարձակալության տրված ակտիվներից օգուտների ստացման ժամանակային գրաֆիկը: Սկզբնական ուղղակի ծախսումները, որոնք հատուկ կատարվել են գործառնական վարձակալությունից եկամուտ վաստակելու նպատակով, հետաձգվում և բաշխվում են վարձակալության ժամկետի ընթացքում՝ վարձակալական եկամտի ճանաչմանը համամասնորեն:

5. ՀԱՍՈՒՅԹ

Հազար դրամ	2022թ.	2021թ.
Ծառայությունների իրացումից հասույթ	134598	95653
Ընդամենը	134598	95653

6. ՎԱՃԱՌՔԻ ԻՆՔՆԱՐԺԵՔ

Հազար դրամ	2022թ.	2021թ.
Մատուցված ծառայությունների ինքնարժեք,		
▪ աշխատավարձ	(64020)	(54677)
▪ ուղղակի նյութական ծախսումներ	(7402)	(5385)
▪ ուղղակի արտադրական ծախսումներ	(16171)	(4771)
▪ հիմնական միջոցների մաշվածության ծախսեր	(5210)	(2052)
▪ անուղղակի արտադրական այլ ծախսումներ	(608)	(7473)
Ընդամենը	(93411)	(74358)

7. ԱՅԼ ԵԿԱՄՈՒՏ

Հազար դրամ	2022թ.	2021թ.
Եկամուտներ շնորհներից	4275	1448
Ընդամենը	4275	1448

8. ՎԱՐՉԱԿԱՆ ԾԱԽՍԵՐ

Հազար դրամ	2022թ.	2021թ.
Աշխատավարձ	(29283)	(20972)
Վարչական այլ ծախսեր	(1854)	-
Ընդամենը	(31137)	(20972)

9. ԳՈՐԾԱՌՆԱԿԱՆ ԱՅԼ ԾԱԽՍԵՐ

Հազար դրամ	2022թ.	2021թ.
Ծախսեր շնորհներից	(4275)	(1448)
Ընդամենը	(4275)	(1448)

10. ՀԻՄՆԱԿԱՆ ՄԻՋՈՑՆԵՐ

	Շենքեր,	Մեքենա սարքավորումներ	Տրանսպորտային միջոցներ	Արտադրատնտես ական գույք	Ընդամենը
Ակզբնական արժեք					
Մնացորդը 31 դեկտեմբերի 2021թ.	4993	37559	29464	8153	80169
Մնացորդը 01 հունվարի 2022թ.	4993	37559	29464	8153	80169
Ավելացումներ		742		605	1347
Օտարումներ				84	84
Մնացորդը 31դեկտեմբերի 2022թ.	4993	38301	29464	8674	81432
Մաշվածությունը					
Մնացորդը 31դեկտեմբերի 2021թ.	1915	31635	7479	6722	47751
Մնացորդը 01 հունվարի 2022թ..	1915	31635	7479	6722	47751
Տարվա մաշվածություն	373	3787	4337	943	9440
Օտարումներ				84	84
Մնացորդը 31դեկտեմբերի 2022թ.	2288	35422	11816	7581	57107
Հաշվեկշռային արժեք					
Առ 31 դեկտեմբերի 2021թ.	3078	5924	21985	1431	32418
Առ 31 դեկտեմբերի 2022թ.	2705	2879	17648	1093	24325

«ՄԻՔԱՅԵԼՅԱՆ ՎԻՐԱԲՈՒԺՈՒԹՅԱՆ ԻՆՍՏԻՏՈՒՏ» ՓԲԸ

31.12.2022թ. դրությամբ

2022թ. ընթացքում Ընկերության հիմնական միջոցներն ավելացել են 1347,0 հազար դրամով:

2022թ. ընթացքում Ընկերության կողմից հաշվարկվել է 9440,0 հազար դրամ հիմնական միջոցների մաշվածություն, այդ թվում՝

- 373,0 հազար դրամ շենքերի և շինությունների գծով
- 3787,0 հազար դրամ մեքենա-սարքավորումների գծով
- 4337,0 հազար դրամ տրանսպորտային միջոցների գծով
- 943,0 հազար դրամ արտադրատնտեսական գույքի գծով
-

11. ՈՉ ԵՅՈՒԹԱԿԱՆ ԱԿՏԻՎՆԵՐ

Հազար դրամ	31.12.2022թ.	31.12.2021թ.
Համակարգչային ծրագիր	82	128
Ընդամենը	82	128

12. ՊԱՇԱՐՆԵՐ

Հազար դրամ	31.12.2022թ.	31.12.2021թ.
Նյութեր	130	97
Գրենական պիտույքներ	156	55
Վառելիք	681	651
Դեղորայք	1085	2047
Այլ նյութեր	1986	1649
Ընդամենը	4038	4499

13. ԱՌԵՎՏՐԱՅԻՆ և ԱՅԼ ԴԵԲԻՏՈՐԱԿԱՆ ՊԱՐՏՔԵՐ

Հազար դրամ	31.12.2022թ.	31.12.2021թ.
Առևտրային դեբիտորական պարտքեր	13530	7299
Տրված ընթացիկ կանխավճարներ	181	7
Ընդամենը	13711	7306

14. ԴՐԱՄԱԿԱՆ ՄԻՋՈՑՆԵՐ և ԴՐԱՆՑ ՀԱՄԱՐԺԵՔՆԵՐ

Հազար դրամ	31.12.2022թ.	31.12.2021թ.
Կանխիկը դրամարկղում	300	40
Դրամական միջոցներ հաշվարկային հաշիվներում	10352	3320
Ընդամենը	10652	3360

Ընկերությունը ներկայացրել է 31.12.2022թ. դրությամբ հաշվարկային հաշիվներում դրամական միջոցների մնացորդները հավաստող տեղեկանքներ հաստատված բանկի կողմից:

15. ԿԱՆՈՆԱԴՐԱԿԱՆ ԿԱՊԻՏԱԼ

Հազար դրամ	31.12.2022թ.	31.12.2021թ.
Կանոնադրական կապիտալ	15281	15281
Ընդամենը	15281	15281

Ընկերության կանոնադրական կապիտալը կազմվում է բաժնետերերի կողմից ձեռք բերված բաժնետոմսերի անվանական արժեքից:

Ընկերության կանոնադրական կապիտալը սահմանում է նրա պարտատերերի շահերը երաշխավորող Ընկերության գույքի նվազագույն չափը:

Ըստ 09.10.2018թ. պետական ռեգիստրի կողմից հաստատված կանոնադրության Ընկերության կանոնադրական կապիտալը կազմել է 15281.0 հազար դրամ, որը կազմում է 20 հատ հասարակ (սովորական) անվանական բաժնետոմս, մեկ բաժնետոմսի անվանական արժեքը կազմում է 764.050 դրամ:

Բոլոր 20 (սովորական) անվանական բաժնետոմսերը տեղաբաշխված են, սեփականության իրավունքով պատկանում են Հայաստանի Հանրապետությանը և լրիվ վճարված են նրա կողմից:

16. ՉՔԱՇԽՎԱԾ ՇԱՀՈՒՅԹ

Հազար դրամ	31.12.2022թ.	31.12.2021թ.
Չբաշխված շահույթ (չձածկված վնաս)	717	(7194)
Ընդամենը	717	(7194)

Ընկերության հաշվապահության կողմից աուդիտին ներկայացված հաշվապահական հաշվեկշռում 31.12.2021թ. դրությամբ զուտ վնասի մնացորդը ներկայացվել է 7194.0 հազ.դրամ:

Աուդիտի արդյունքում պարզվել է, հետևյալը՝

2022թ. գործունեության արդյունքներով Ընկերության զուտ շահույթը կազմել է 7911.0 հազար դրամ:

2022թ.դեկտեմբերի 31-ի դրությամբ չբաշխված շահույթի մնացորդը ֆինանսական վիճակի մասին հաշվետվության մեջ կազմել է 717.0 հազար դրամ:

17. ԱԿՏԻՎՆԵՐԻՆ ՎԵՐԱԲԵՐՎՈՂ ՇՆՈՐՀՆԵՐ

Հազար դրամ	31.12.2022թ.	31.12.2021թ.
Ակտիվներին վերաբերող շնորհներ	17647	21923
Ընդամենը	17647	21923

18. ՎԱՐԿԵՐ ԵՎ ՓՈՆԱՌՈՒԹՅՈՒՆՆԵՐ

Հազար դրամ	31.12. 2022թ.	31.12.2021թ.
Կարճաժամկետ վարկեր	2452	8511
Ընդամենը	2452	8511

19. ԱՌԵՎՏՐԱՅԻՆ ԵՎ ԱՅԼ ԿՐԵԴԻՏՈՐԱԿԱՆ ՊԱՐՏՔԵՐ

Հազար դրամ	31.12. 2022թ.	31.12.2021թ.
Առևտրային կրեդիտորական պարտքեր	1316	2330
Կարճաժամկետ կրեդիտորական պարտքեր աշխատավարձի գծով	4978	4193
Ընդամենը	6294	6523

20. ԿՐԵԴԻՏՈՐԱԿԱՆ ՊԱՐՏՔԵՐ ԲՅՈՒՋԵԻՆ

Հազար դրամ	31.12. 2022թ.	31.12.2021թ.
Կարճաժամկետ կրեդիտորական պարտքեր բյուջեին	4046	1859
Կարճաժամկետ կրեդիտորական պարտքեր սոցապին	154	53
Ընդամենը	4200	1912

21. ԸՆԹԱՑԻԿ ՊԱՀՈՒՍՆԵՐ

Հազար դրամ	31.12. 2022թ.	31.12.2021թ.
Վաստկած արձակուրդայինի գծով պահուստ	4264	3750
Ընդամենը	4264	3750

22. ՖԻՆԱՆՍԱԿԱՆ ԳՈՐԾԻՔՆԵՐ և ՌԻՍԿԵՐԻ ԿԱՌԱՎԱՐՈՒՄ

Ռիսկերի կառավարման հիմունքներ

Ղեկավարությունը պատասխանատվություն է կրում Ընկերության ռիսկերի կառավարման համակարգի մշակման և վերահսկողության համար: Ղեկավարությունը կանոնավոր կերպով հաշվետվություններ է ներկայացնում Բաժնետերերի ընդհանուր ժողովին իր գործունեության վերաբերյալ:

Ընկերության ռիսկերի կառավարման քաղաքականության նպատակն է բացահայտել և վերլուծել այն ռիսկերը, որոնց ենթարկվում է Ընկերությունը, սահմանել ռիսկերի համապատասխան սահմանաչափեր և վերահսկման մեխանիզմներ, ինչպես նաև վերահսկել ռիսկերի մակարդակները և դրանց համապատասխանությունը որոշված սահմանաչափերին: Ռիսկերի կառավարման քաղաքականությունը և համակարգերը կանոնավոր կերպով վերանայվում են՝ շուկայական պայմանների ու Ընկերության գործունեության փոփոխություններն արտացոլելու նպատակով:

Ամփոփ ներկայացում

Ֆինանսական գործիքներն օգտագործելիս Ընկերությունը ենթարկում է հետևյալ ռիսկերին.

- Վարկային ռիսկ
- Պարտքային ռիսկ
- Արժույթային ռիսկ

Սույն ծանոթագրությունում ներկայացված է տեղեկատվություն վերը նշված յուրաքանչյուր ռիսկին Ընկերության ենթարկվածության մասին, ինչպես նաև ռիսկերի չափման և կառավարման հետ կապված Ընկերության նպատակները, քաղաքականությունը և գործընթացները:

ա/ Վարկային ռիսկ

Ֆինանսական վիճակի մասին հաշվետվության ամսաթվի դրությամբ առկա է 2452.0 հազար դրամի փոխառություն, որը պետք է մարվի 2023թ.: 2022թ. դեկտեմբերի 31-ի դրությամբ Ընկերությունը կասկածելի դեբիտորական պարտքերի գծով պահուստ չունի, (2021թ. դեկտեմբերի 31-ի դրությամբ Ընկերությունը նոյնպես չունեի կասկածելի դեբիտորական պարտքերի գծով պահուստ):

բ/ Պարտքային ռիսկ

Պարտքային ռիսկը ֆինանսական վնաս կրելու ռիսկն է, երբ ֆինանսական գործիքի պայմանագրային կողմն ի վիճակի չի լինում կատարել իր պայմանագրային պարտականությունները Ընկերության նկատմամբ: Ընկերությունը ցուցաբերում է առանձնահատուկ մոտեցում պայմանագրային յուրաքանչյուր կողմի նկատմամբ: Պարտքային ռիսկն առաջանում է հիմնականում գործընկերներից ստացվելիք դեբիտորական պարտքերի գծով:

Հազար դրամ	31.12.2022թ.	31.12.2021թ.
Առևտրային դեբիտորական պարտքեր	13530	7299
Տրված կանխավճարներ	181	7
Դրամական միջոցներ և դրանց համարժեքներ	10652	3360
Ընդամենը	24363	10666

գ/ Արժույթային ռիսկ

Ընկերությունը ենթակա է արտարժույթային ռիսկի, երբ իրացումները, ձեռքբերումները կատարվում են և փոխառությունները ստացվում ու տրվում են ոչ Ընկերության ֆունկցիոնալ արժույթով:

Կապիտալի կառավարում

Ընկերությունը չունի կապիտալի կառավարումը կարգավորող ձևակերպված քաղաքականություն, սակայն ղեկավարությունը ձգտում է ապահովել կապիտալի բավարար բազա՝ Ընկերության գործառնական և ռազմավարական պահանջները բավարարելու, ինչպես նաև շուկայում մասնակիցների վստահությունը պահպանելու համար:

Դա կարելի է իրագործել դրամական միջոցների արդյունավետ կառավարման, Ընկերության հասույթի և շահույթի շարունակական վերահսկման, հիմնականում Ընկերության գործառնական գործունեության դրամական միջոցների հոսքերով ֆինանսավորվող երկարաժամկետ ներդրումային ծրագրերի իրականացման միջոցով:

Հաշվետու ժամանակաշրջանի վերջի դրությամբ Ընկերության պարտքային և սեփական կապիտալի հարաբերակցությունը կազմում էր՝

Հազար դրամ	2022թ.	2021թ.
Ընդամենը պարտավորություններ	36810	44526
Հանած դրամական միջոցները և դրանց համարժեքները	10652	3360
Զուտ պարտքը	26158	41166
Ընդամենը սեփական կապիտալ	15998	8087
Պարտքային և սեփական կապիտալի հարաբերակցությունը . դեկտեմբերի 31-ի դրությամբ	1.64	5.09

Գործարքներ փոխկապակցված կողմերի հետ

Ընկերության փոխկապակցված կողմերն են՝

Համաձայն «Փոխկապակցված կողմերի բացահայտում» ՀՀՄՍ 24-ի կողմերը համարվում են փոխկապակցված, եթե մի կողմը հնարավորություն ունի վերահսկել մյուս կողմին կամ էական ազդեցություն ունենալ մյուս կողմի ֆինանսական և գործառնական որոշումների կայացման վրա: Սույն ֆինանսական հաշվետվությունների տեսանկյունից, փոխկապակցված կողմերը ներառում են Ընկերության ղեկավարության անդամներին և նրանց հետ փոխկապակցված անձանց, ինչպես նաև այլ անձանց և կազմակերպություններին, որոնք փոխկապակցված են կամ համապատասխանորեն վերահսկվում են նրանց կողմից:

Ստորև ներկայացվում է տեղեկատվություն Ընկերության փոխկապակցված կողմերի հետ իրականացված գործարքների գծով:

2022թ. Ընկերությունը փոխկապակցված անձ համարվող մնացած բաժնետերերի հետ գործարքներ չի կատարել:

Հաշվետու տարվա ընթացքում Ընկերության ղեկավար անձնակազմին վճարվել է 9064.0 հազար դրամ աշխատավարձ և դրան հավասարեցված վճարներ, 2021թ. այն կազմել է 7081,0 հազար դրամ:

23. ՊԱՅՄԱՆԱԿԱՆ ԴԵՊԲԵՐ

(ա) ՇՐՋԱԿԱ ՄԻՋԱՎԱՅՐԻ ՊԱՀՊԱՆՈՒԹՅԱՆ

Ընկերությունը բավարարում է ՀՀ կառավարության պահանջները կապված շրջակա միջավայրի հետ և չունի պարտավորություններ կապված շրջակա միջավայրի հետ:

(բ) ՎԵՐԱՀՍԿՈՂՈՒԹՅՈՒՆ

Ընկերությունն ամբողջությամբ վերահսկվում է Բաժնետերերի ընդհանուր ժողովի կողմից:

(գ) ՀԱՐԿԱՅԻ ՆՊԱՐՏԱՎՈՐՈՒԹՅՈՒՆՆԵՐ

Հայաստանի հարկային համակարգը համեմատաբար նոր է և բնորոշվում է օրենսդրության, պաշտոնական պարզաբանումների և դատավճիռների հաճախակի փոփոխություններով, որոնք հաճախ հստակ չեն, հակասական են և պահանջում են մեկնաբանություններ տարբեր հարկային մարմինների կողմից: Հարկերը ենթակա են ստուգման և ուսումնասիրության մի շարք մարմինների կողմից, որոնք իրավասու են կիրառել տույժեր և տուգանքներ: Հարկային օրենսդրության խախտման դեպքում հարկային մարմիններն իրավասու չեն սահմանել հարկերի գծով լրացուցիչ պարտավորություններ, տույժեր կամ տուգանքներ, եթե խախտման ամսաթվից անցել է երեք տարի:

Այս փաստերը Հայաստանում կարող են այլ երկրների համեմատությամբ էական հարկային ռիսկ առաջացնել: Ղեկավարությունը գտնում է, որ համապատասխանորեն է գնահատել հարկային պարտավորությունները և կատարել է համապատասխան հատկացումներ հարկային պարտավորությունների գծով: Այնուամենայնիվ, համապատասխան իրավասու մարմինները կարող են ունենալ այլ մեկնաբանություններ, և հետևանքները կարող են էական լինել Ընկերության համար, եթե իրավասու մարմիններին հաջողվի գործադրել իրենց մեկնաբանությունները:

«ԱՎԻԱԲՈՒՎ» ԲԿ ՓԲԸ
ՏՆՕՐԵՆ՝

Լ.ՂԱԶԱՐՅԱՆ

ԳԼԽԱՎՈՐ ՀԱՇՎԱՊԱՀ՝

Կ. ԹԱԴԵՎՈՍՅԱՆ